

18 Nugas, qui a lege recefferant, congregabo, quia ex te erant: ut non ultra habeas super eis opprobrium.

19 Ecce ego interficiam omnes, qui affixerunt te in tempore illo: & salvabo claudicantem: & eam, quæ ejecta fuerat, congregabo: & ponam eos in laudem, & in nomen, in omni terra confusionis eorum.

20 In tempore illo, quo adducam vos: & in tempore, quo congregabo vos: dabo enim vos in nomen, & in laudem omnibus populis terræ, cum convertero captivitatem vestram coram oculis vestris, dicit Dominus.

## PROPHETIA. A G G Æ I.

### CAPUT PRIMUM.

*Quo tempore prophetaverit Aggæus: qui increpat Judæos, quod neglecta domo Dei propria ædificia curarent: ob quam causam dicit illis immisam a Deo sterilitatem: eoque tempore dux Zorobabel & Jeshus sacerdos magnus una cum populo excitati, incipiunt ædificare domum Dei.*

*1. Esdr. 5.*

**I**n anno secundo Darii regis, in mense sexto, in die una mensis, factum est verbum Domini in manu Aggæi prophetæ ad Zorobabel filium Salathiel, ducem Juda, & ad Jesum, filium Josedec, sacerdotem magnum, dicens:

2 Hæc ait Dominus exercituum, dicens: Populus iste dicit: Nondum venit tempus domus Domini ædificandæ.

3 Et factum est verbum Domini in manu Aggæi prophetæ, dicens:

4 Numquid tempus vobis est ut habitetis in domibus laqueatis, & domus ista deserta?

5 Et

5 Et nunc hæc dicit Dominus exercituum: Ponite corda vestra super vias vestras.

6 \* Seminaastis multum, & intulistis parum: \* *Deut. 28. 38. Mich. 6. 15.* comedistis, & non estis satiati: bibistis, & non estis inebriati: operulistis vos, & non estis calefacti: & qui mercedes congregavit, misit eas in facculum pertusum.

7 Hæc dicit Dominus exercituum: Ponite corda vestra super vias vestras:

8 Ascendite in montem, portate ligna, & ædificate domum: & acceptabilis mihi erit, & glorificabor, dicit Dominus.

9 Respexistis ad amplius, & ecce factum est minus: & intulistis in domum, & exsufflavi illud: quam ob causam, dicit Dominus exercituum: quia domus mea deserta est, & vos festinatistis unusquisque in domum suam.

10 Propter hoc super vos prohibiti sunt cæli, ne darent rorem & terra prohibita est, ne daret germen suum:

11 Et vocavit siccitatem super terram, & super montes, & super triticum, & super vinum, & super oleum, & quæcumque profert humus, & super homines, & super jumenta, & super omnem laborem manuum.

12 Et audivit Zorobabel filius Salathiel, & Jeshus filius Josedec sacerdos magnus, & omnes reliquæ populi vocem Domini Dei sui, & verba Aggæi prophetæ, sicut misit eum Dominus Deus eorum ad eos: & timuit populus a facie Domini.

13 Et dixit Aggæus nuntius Domini de nuntiis Domini, populo dicens: Ego vobiscum sum, dicit Dominus.

14 Et suscitavit Dominus spiritum Zorobabel filii Salathiel, ducis Juda, & spiritum Jesu filii Josedec sacerdotis magni, & spiritum reliquorum de omni populo: & ingressi sunt, & faciebant opus in domo Domini exercituum Dei sui.

### CAPUT II.

*Et si templum reedificatum nihil videatur priori collatum; postea tamen veniente Messia, replebitur gloria majori, quam fuerit prioris templi: & sicut Judæi ob neglectam templi reedificationem fac-*

facti fuerant immundi coram Deo, ipsorumque sacrificia, & sterilitas adducta; ita post inceptam reedificationem omnia ipsis facta sunt prospera.

1 **I**N die vigesima & quarta mensis, in sexto mense, in anno secundo Darii regis.

2 In septimo mense, vigesima & prima mensis, factum est verbum Domini in manu Aggæi prophetae, dicens:

3 Loquere ad Zorobabel filium Salathiel, ducem Juda, & ad Jesum filium Josedec sacerdotem magnum, & ad reliquos populi, dicens:

4 Quis in vobis est derelictus, qui vidit domum istam in gloria sua prima? & quid vos videtis hanc nunc? numquid non ita est, quasi non fit in oculis vestris?

5 Et nunc confortare Zorobabel, dicit Dominus: & confortare Jesu fili Josedec sacerdos magne, & confortare omnis populus terræ, dicit Dominus exercituum: & facite (quoniam ego vobiscum sum, dicit Dominus exercituum)

6 Verbum quod pepigi vobiscum, cum egredere mini de terra Ægypti: & spiritus meus erit in medio vestrum, nolite timere.

\* Hebr.  
12. 26.

7 Quia hæc dicit Dominus exercituum: \* Adhuc unum modicum est, & ego commovebo cælum, & terram, & mare, & aridam.

8 Et movebo omnes Gentes: **ET VENIET DESIDERATUS** cunctis Gentibus: & implebo domum istam gloria, dicit Dominus exercituum.

9 Meum est argentum, & meum est aurum, dicit Dominus exercituum.

10 Magna erit gloria domus istius novissimæ plus quam primæ, dicit Dominus exercituum: & in loco isto dabo pacem, dicit Dominus exercituum.

11 In vigesima & quarta noni mensis, in anno secundo Darii regis, factum est verbum Domini ad Aggæum prophetam, dicens:

12 Hæc dicit Dominus exercituum: Interroga Sacerdotes legem, dicens:

13 Si tulerit homo carnem sanctificatam in ora vestimenti sui, & tetigerit de summitate ejus panem, aut pulmentum, aut vinum, aut oleum, aut

aut omnem cibum, numquid sanctificabitur? Respondentes autem sacerdotes, dixerunt: Non.

14 Et dixit Aggæus: Si tetigerit pollutus in anima ex omnibus his, numquid contaminabitur? Et responderunt sacerdotes, & dixerunt: Contaminabitur.

15 Et respondit Aggæus, & dixit: Sic populus iste, & sic gens ista ante faciem meam, dicit Dominus, & sic omne opus manuum eorum, & omnia, quæ obtulerunt ibi, contaminata erunt.

16 Et nunc ponite corda vestra a die hac & supra, antequam poneretur lapis super lapidem in templo Domini.

17 Cum accederetis ad acervum viginti modiorum, & fierent decem: & intraretis ad torcular, ut exprimeretis quinquaginta lagenas, & fiebant viginti.

18 \* Percussit vos vento urente, & aurigine, \* *Amos.* & grandine omnia opera manuum vestrarum: & *4. 9.* non fuit in vobis, qui reverteretur ad me, dicit Dominus.

19 Ponite corda vestra ex die ista, & in futurum, a die vigesima & quarta noni mensis: a die, qua fundamenta jacta sunt templi Domini, ponite super cor vestrum.

20 Numquid jam semen in germine est: & adhuc vinea, & ficus, & malogradatum, & lignum olivæ non floruit? ex die ista benedicam.

21 Et factum est verbum Domini secundo ad Aggæum in vigesima & quarta mensis, dicens:

22 Loquere ad Zorobabel ducem Juda, dicens: Ego movebo cælum pariter & terram.

23 Et subvertam folium regnorum, conteram fortitudinem regni Gentium: & subvertam quadrigam, & ascensore eorum: & descendent equi, & ascensores eorum: vir in gladio fratris sui.

24 In die illa, dicit Dominus exercituum, asfumam te \* Zorobabel fili Salathiel serve meus, \* *Eccli.* dicit Dominus: & ponam te quasi signaculum, *49. 13.* quia te elegi, dicit Dominus exercituum.